

ORATIO INAUGURALIS
IN REGIA
VALLISOLETANA UNIVERSITATE
HABITA
A D. D. D. LAURENTIO ARRAZOLA
in eadem Universitate Academ. Orator.
Moderator.

XV KALEND. NOV. ANN. D^{NI}. M.D.CCC.XXXII.



VALLISOLETI APUD APARICIO.

G-F 4879

ORATIO IN VANGUARDIA

IN REGIA

ARTIS ET LITERARIA UNIVERSITATIS

Etenim omnes artes, quæ ad humanitem pertinent,
habent quoddam commune vinculum, et quasi cognatione
quadam inter se continentur.

Cic. pro Arch. Poët.



t. 81294
DGCL
A

(1)

sollicitum illeob temp is, eoz rato, introducta animo,
et hanc horbarius, alienq statim tempore, mihi
temp, eisq m' h'c'ntur. Ante lib' te, e'ne' G'ra,
id est ut' c'nt'bit' m'nos' amiss' am' v'c'p'at
d'p' d'p' am'f'p' d'p' d'p' am'f'p' d'p' d'p'

En tandem redit, amplissimi Viri, en grata
fulget læta, expectataque dies, quā sollicita,
cara hæc, nostraque omnium diligentissima Ma-
ter, et nos provocat, et teneros, carissimos sibi
Alumnos, quos diù errantes plorārat, demūn
amplectitur. Effugit, evanuit invisa nox, et insoli-
to, acervo temporum rigore confracto, et gaudium
Pintiæ, et vester iterū saluberrimus incipit la-
bor. Recessit tædiosa mora: flagrat avida mens:
incitat virtus: clausa jamdiù, scientiarum limi-
na patent: muta resolvitis ora, et denuò tan-
dem superna sapientiæ vox sacrâ in testudine
sonat. Accingite, ergo, vos, Doctores amplissimi:
accingite, probatissimi *Licentiat*i: accingite, assi-
dui, ac semper indefatigati Magistri: et qui qui
ad hanc perillustrem Academiam arcto, et num-
quam solvendo vinculo pertinetis: qui qui rei
literariæ præstantissimo muneri incumbitis, tanto
exagitante die, vos accingite, atque parate.
Quām pulchrum, quām grave, quām jucundum
hodie vestrūm cujuscumque præclarissimum mu-
nus sese offert, qualia, quantaque rei menti spe-

C. 1105289



R. 65833

cimina subeunt, cum vos, et quæ docti meditentur, et quæ tentare paretis, animadvertisam! Juvenes! Cara, et dilecta Juventus! en queis, quantisque Viris, tua salus commendetur. En tibi dulcissimum sinum, quo te tenerrima foveat, parat, ut fecit, tui cupidissima Mater. Quò quidem, plaudente die, adsili, propera, advola. En tibi totam proficiendo se præbet: en spem alit, en robur infundit, en animum revocat, en denique lubentissimo gressu portas adaperit, almo, dulcique amplèxu tenerrimos suos filios iterum excipit. Ingredimini, ergo, juvenes: properate, et promti, læti, alacres, ut fecistis, in consuetam, jamque optatam arenam convolate. En qualiter vos, sublimorum detectrix, provocet Theologia: en qualiter sacra Canonum, nobilissimaque legum Scientia: en quali, quantaque arcanorum indagine Medicina. Quarum licet præstantissima quæque, et ardua; alia, et alia vos multa, et pulcherrima vocant, aliisque, et aliis ad præstantissimum Literati nomen merendum vobis est opus. Quod ut obtainere possitis, videte quām amplissimum campum vobis aperiat Philosophia, quām lætissimum Poësis, quām jucundum Rethorica, quām vastum Critices, quām gratum Œconomia, quām novum, et dignum Geographia, qualem, quāmque uberrimum temporum,

factorum, et eventuum testis, Historia. Quarum pulcherrimarum artium, vel nuda enumeratione, Juvenes, si vos nominis, et gloriae fames, et aemulatio tenet: si vos, ut credo, et honos, et speranda posteritatis memoria tangit, quan non accenditis discendi amore, ne vos scientiae, tantarumque, tamque illustrium, ac jucundissimarum artium adquirendarum cupidio rapit? Succendite animo, igitur: nova dies ad gloriam pellicit: viam gloriae parate.

Quam famen, si quis post studiorum curricula attingere; si quis, ut decet, ad summum rei literariae fastigium pervenire tentarit, id sibi animo fingat, id mente reponat, quod nempe, etiam si cuilibet ex his, quae maiores dicuntur, scientiis operam dederit, in eaque, quantum studiosissimo homini concedi potest, nervos intenderit, dummodo eas, quas subsidiarias dicimus artes, linguas scilicet, humaniores literas, ac Philosophiam serio neglexerit; nec unquam, ut oportet, in eadem progressus facere, neque sapientis, neque eruditii, neque docti, prout sui amantissimum quemque, nec gloriae immemorem decet, nomen sperare audeat.

Et re quidem ipsa: si artium, si humana-
rum scientiarum naturam attentè consideremus,
nemo non videt, omnes inter se connecti; immo

non nisi unam, unicamque esse universalem scientiam, sicut natura non est nisi una, unaque veritas, et cujus cæteræ, quæ dicuntur scientiæ, et artes, quidam ramuseuli, seu pronationes sunt, ipsamet ipsius participantes naturâ, et sic proinde inter se contentæ, ut ubi altera desinit, ibidem, ut ita loquar, altera incipiat: unde id necessariò sequitur, ut altera sine alteris, tanquam extraneis, aut etiam inutilibus prorsùs exclusis, neque optimè disci, nec latius, ut par est, prodesse queat. *Nullum est enim genus rerum, ajebant veteres, quod aut avulsum à caeteris per se ipsum constare, aut quo caetera si careant (1), vim suam conservare possint.*

Quod si in re tam perspicua licet similibus uti, fingite vobis, carissimi, hanc universalem scientiam secundissimam, atque pulcherrimam arborem quamdam esse, in quâ et truncum, et ramos, folia denique, et flores distingui oportet. Quid proderunt sine trunko ramuli, aut quid sunt sine stipite folia? Si, ergo, in hac secundissima scientiarum arbore truncum imamque radicem ponamus Philosophiam: ramos, maiores quæ dicuntur, scientias: folia denique, et

(1) Cic. de Orat. lib. 3.

vivida, suavitè redolentia floscula, et cul-
tas linguas, et artes ingenuas, et eas demum,
quas humaniores literas nuncupamus? quis tantum
semet ipsum, propria sufficientiâ suggestente, de-
cipiet, ut, cum flosculum tantum decerpserit,
jam sibi ex arbore satis habere putet? At quid
est flos sine ramo, vitam et qui sumat è truno,
nisi pulchrum quidem; sed sterile quoddam nihil,
et fugax sine corpore umbra? Si, ergo, floscu-
lum, vividum, jucundum, olens, diù duraturum
est, ex ramulis, truncō, communique radice, quan-
tum propria natura exigat, sibique sufficiat, vi-
tam exhaustire convenient.

Quod quidem adhuc clariūs, clariūsque pa-
tebit, si munus cuiuscumque scientiæ sedulò
perpendamus. Medicina docet mederi; non lo-
qui: Grammatica docet loqui; non vero mederi:
Physica autem, ut alia prætermittam, neque
mederi, neque loqui; sed rerum altiores docet
cognoscere causas. Cum autem Medicus, ut gra-
vissimo, serioque muneri, ut miserrima, dolens,
sibique commissa, humanitas postulat, satisfa-
ciat, et rerum causas cognoscere, et his super
rectè loqui, et ritè demum mederi debeat, non
tantum arti Medicæ, verum etiam Gramma-
ticæ, et Physicæ manum adhiberi convenient. Id
de Canonibus, id de Legibus, ac etiam de saera

Theologia, moderato discrimine, dici poterit. Si vero, ut res meliori in lumine collocetur, de nobili, praestantissimoque Jurisperiti munere loqui velimus & quomodo, licet leges, quantum humano tribui potest ingenio, tandem evolvitur, quomodo, inquam, in implicatissima, turbulentissima, sæva innocentiae cum pravitate, moderationis cum audacia, honestatis cum turpitudine, pugnâ accutissima ratiocinii tela conjiciet, errorum monstra confodiet, passionumque tumultus dicendo dissipabit sine Logica? Quomodo rectè, aptè, invictèque loquetur sine Critica? Quomodo copiosè, et affluentè sine Physica, sine Historia, sine Canonibus, Jureque naturæ? Quomodo efficacitè sine Ethica? Quomodo facetè, vividè, et, prout oporteat, lepidè sine Poesi? Quomodo denique sine uberrima, secundaque Eloquentia jucundè? Si ergo, hæc omnia, etiam si plurima videantur, munus Advocati compleant, et omnibus seriò incumbere, quantum in se sit, vires, animusque valeant, necessario tenetur, eâ tamen lege, ut potiora primum, minus præcipua autem secundum vindicent locum.

Si verò non utilitatem, non necessitatem, sed tantùm voluptatem, quam ex hoc literarum, venustissimarumque artium studio exhaustire possumus, contemplemur & quis non incenditur, quis

non rapitur, diuque, ac noctu in his omnibus, vel tantisper libandis, tempus impendit? Quid de te proferam, jucundissima, dulceque mentium delectamen, et pastus, Pöesis, quæ, vel una, incondita, nascens, primævis jamjam temporibus, rudas gentes consociasti, ferosque animos cantu, mentesque duleedine rapuisti? Quid de te, Physica, quæ immensum orbis compagem, ipsamque naturam arbitrio subjicis, hujus abscondita penetralia invadis, eamdem secretam opprimis, ab ipsaque, etiam renuente arcana, et reluctante mysteria, extorques? Quid de te, eximia, subtilis, alta Mathesis, quæ Cœlos radio metiris, astraque luctentia calculo, tanquam in statera ponderas? Quid de te denique, veneranda morum Scientia: munus è Cœlo delapsum, hominibusque in salutem, societatisque nèxum concessa: quid de te proferam, quæ sic hominum pravitates, virtutes, studia perspicis: sic spem alis, metum depallis, passiones refrenas: sic animo toto, homineque potiris, ut qui te polleat, et inextricablem hominis labyrinthum certè introisse dicatur? Quòd si de Historia, de Eloquentia, de Crítica, cæterisque humanæ mentis præstantissimo ornamento, atque decore, loqui velimus quonam abiret oratio?

Si autem hominem studiosum, ut privatum

11
::

tantum, studiorum curriculo jam peracto, et in hominum commercio, in implicatissima, varia-
tissima, et modò rustica; modò culta: modò ju-
cunda; modò seria: modò fæminarum: modò vi-
rûm: nunc denique gravi, splendida, nobili;
nunc humili societate consideremus ¿ quid fa-
ciet? ¿ An, si Medicus, ne in cæteris percurrendis
æternus evadam, est, non nisi de Medicina lo-
quetur? ¡ Praeclarus tantorum annorum labor!
¿ An taceat? Optimus tantarum vigiliarum fruc-
tus! ¿ An ignota, ne taceat, vana, aut stupida
proferet? ¡ Mirum, et dignum Literati decus, et
honos!

Quod si, ut accidit, gravissima Reipublicæ
officia petat, publicque tandem muneris, atque
consilii particeps supponatur ¡ heu! videte qua-
lia, quantaque munera ambitis, juvenes: videte
quali, quantaque instructi esse debeat scientiâ!
et sive animarum Rectores, sive Duces; sive
Doctores, sive Magistri; sive Judices, sive Patro-
ni; sive Remp. denique diligatis, sive vosmetip-
pos ametis, semper præ oculis sit, semperque in
auribus insonet illa M. Tullii sententia: sine
omni sapientia, atque doctrina (1) nemo florere,
nemo præstare potest. Danda, igitur, opera est,

omni studio curandum, ut præter peculiarem cujuscumque, quam elegerit facultatem, his præstantissimis artibus, ac disciplinis, quantum in nostra potestate sit, resque patiatur, mentem imbuamus.

Id seclī prudentia exigit, id et nostri hujus Hispani Regni regiminis forma necessariò deposit. Apud nos, in hac nostra carissima Hispania, in qua ea est Parochorum, Prætorum, Advocatorumque bonum faciendi potestas, ut eorum probitati, scientiæ, atque prudentiæ ferè omnino mandata sit populi instructio, opum, rerumque publicarum promotio, atque directio & quomodo hi, quibus tantum concessum est patrare bonum, obibunt munera tanta, si cum tot artibus, ac disciplinis, ut implicatissima populorum œconomia exigit, pollere debeant, non nisi ad summum, aliam, vel aliam tantum percaleant? Quomodo popularem industriam, opesque communes promovebunt sine œconomia? Quomodo publicas regent conciones, animosque sedabunt sine Eloquentia? Quomodo ex præteritis de præsentibus, et futuris judicabunt, ac providebunt, sine temporum testi, lumine, atque magistra mentis, Historia? Juvenes! Si qua est apud vos mea magistri auctoritas, fides, atque potestas: si quid honos, et gratitudo pectora tangunt, unum vo-

bis commendo, unum nobis omnibus sanctum,
et intemerandum amabo, quod nempe sic nos
quibuslibet in studiis excolendis geramus, sic Pa-
triam in omnibus ob oculos constanter esse, coli,
ac subire euremus, ut supremæ ipsius saluti, al-
tisque consiliis interesse aliquando possimus.

Quod seculi prudentiam attinet, carissimi, vi-
dete deprecor, atque hortor, animadvertisse quibus
in temporibus simus, Terræque quâ parte vivamus.
Ea enim est paucis ab hinc annis scientiarum
impulsio, mentiumque et eventibus, post ho-
minum memoriam stupendioribus, ac maximis,
tum et experimentis, ex omni魁 periculorum
genere excussio, atque excitatio, ut, tum de divi-
nis, tum de humanis, nullis ferè limitibus mens
humana contenta, plura appetat, plura rogitet,
plura desideret, nec paucis facile acquiescat,
cum passim de omnibus, aut ferè omnibus, quot-
quot in natura sunt, agi, simulque pertractari
animadvertisse. Quot, quantisque imaginibus,
rerumque diversissimarum speciebus uno, eo-
demque tempore mens obruitur, quot, quantis,
quamque innumeris, ac etiam novis, cupiditati-
bus simul incenditur, opprimitur, atque excita-
tur! Modò enim agitur de novo orbe reperto: de
mari, antea impervio, pererrato: de novò con-
dita scientia: de commercio, de industria, de

œconomia: de Cœlo insignioribus phœnomenis splendente: de Terra conflictu elementorum rabidè scissa: de cæde, de vastatione, de ruinis: de Imperio repentina ruina subverso; de novo è ruinis, etiam repente, luce eâdem instaurato: de bello, de pace, de republica: atque, ut paucis plura comprehendam, quidquid antea duobus, tribus ve seculis contingebat, aut agebatur; nunc, nes- cio quo præcipite naturæ pondere, uno siècle; immo uno anno; fortè uno mense, una die jam evenire notamus. Hinc cæcus undique percunctandi furor, rabiesque fingendi: hinc monstra, et errores profligandi necessitas. Hic veritas cum falsitate; illuc falsitas, audacia, turpitudo cum veritate pugnant. Omnia de more trahuntur ad quæstionem: mundus se philosophicum conclamavit, atque, ut rem cum doctissima Quintiliani auctoritate sprimam, quæ velut propria tantum Philosophiæ sunt, passim tractamus omnes. Omnes, etiam pessimi, de justo, et æquo loquuntur: omnes, etiam rustici, de causis naturalibus quærunt. Si, ergo, cordati, et sapientis est, temporibus inservire in his omnibus, in quibus neque honos, neque Patria, neque Religio perclitantur; immo verò roborantur, atque fulciuntur, quæ temporum propria sunt, temporibus tribuamus.

Si vero de dogmate, de Religione, caro, dulcique eujuscumque pignore, loqui velimus ; quot, quantisque, et quidem impiissimis, difficultatibus, ac etiam sophismatibus, his præsertim temporibus peti, et ; heu! consultò, meditata temeritate aggredi, ac etiam conculcari videmus! Et aliunde ; quot ex Physica, ex Astronomia, ex Critica, quoque speciosissima, ac etiam nova, ex Geographia argumenta sumuntur? ; Quot deliramenta, quot fabulæ, quot opinionum monstra Rethorices, atque etiam Poësis fastu, et ornatu decorantur, captuique inexpertum teterima venustatis larvâ teguntur, ut vix quidem à peritissimo, versatissimoque homine distingui queant? ; Ecquì autem fieri poterit, ut pestilentissima hujusmodi veri specimina solvat, profliget, neque discernat, qui non tantum has jucundissimas, præstantissimasque artes seriò non coluit, sed nec in utilia, et certò necessaria referenda putavit.

Superest tantum, ut commendatissima hæc, luculentissimaque veritas, ex veterum testimoniis celeberrimorumque hominum roboretur exemplis. Sed ; qua de causâ, vos, vestramque omnium integerrimam fidem obtestor, atque obsecro, Platonis, Aristotelis, Catonis etiam et Tullii: et recentioribus jam temporibus, Newto-

nis, Baconis, Leibnitii: de la Harpe, Rollin, D' Agüesseau, Racine apud Gallos: en inter nos Antonii Lebrixensis, Nicolai Antonii, Antonii Augustini, atque, ut huic nostræ ferè omnium ætati justus honos tribuatur, Campomanes, Jovellanos, Melendez, qua de causa, inquam, horum, aliorumque virorum commendatissima nomina tot laudibus cumulantur, nisi quod, non una tantum; sed pluribus artibus, ac disciplinis, studio, atque prudentiâ mirificè consociatis, præcelluerunt? *Neque se tanta in eo, Quintilianus de Cicerone asserere non verebatur, neque se tanta in eo unquam fudisset ubertas* (1), *si ingenium suum concepto fori; non naturae finibus terminasset.*

At multa desideras, multa exigis, quosdam exclamare audio, majoraque proponis, quam quæ mens quidem sectari possit, et quibus obeundis, nec vita hominis, cuius brevitatis est, fortè sufficiat. Sed pro sacerrimo, colendoque scientiarum numine, et bono, quæ tot commendatissimi Viri tanta cum laude adimplerunt {an non assiduo, constanti studio, atque labore, vel mediocreiter saltem, et nos implere possimus? Neo omnia omnibus, nec pari gradu, nec simul, eo-

(1) *Instit. lib. 12.*

.1 .dit .about (1)



demque tempore addiscenda præcipimus. Magistrorum, suæque cujuscumque prudentiæ munieris est, et quæ, et quomodo, et quando, prout utilia, aut sibi necessaria sint, adimplenda præfigere. Non equidem omniscios cupio: absit; mallem tamen, ne, ut fit, plus justo protraheretur opinio, quod nempe Theologus non nisi Theologiæ, Jurisperitus Juri, Medicus autem non nisi Medicinæ vacare oporteat. Sed quantumcumque gravis, et ardua hæc tanta difficultas interpretetur: quantumvis indissolubilis supponatur, unum saltem ab omnibus in concessis habendum puto: quod nempe methodo, ratione, et ordine omnia breviora, omnia clariora; atque, etiam difficillima, et ardua, obvia, et facilia evadunt. Præterquam quod, si cui multa exigere videor, dicam cum Quintilio (1), nescit equidem quale, quantumque sit doctum efficere: quod, ut obtainere possimus, et studio perpetuo, et praestantissimis præceptoribus, et pluribus disciplinis est opus, unde non tantum selectiora; verum etiam optima sunt præcipienda.

Quod mentis limitationem attinet, non satis perspiciunt hi, cum eodem Quintilio respondeam (2), non satis perspiciunt, quantum hu-

(1) Instit. lib. 1.

(2) Ibid.

mani ingenii natura valeat, quae sic est agilis, et velox, sic in omnem partem convertitur, intimoque, ac etiam ineluctabili sciendi desiderio trahitur, ut difficilius quidem uno tantum continetur; quam extendatur ad plurima. Equis autem sibi persuadere poterit irritum, innane esse validissimum hujusmodi desiderium, atque conamen, quod non unius loci; sed omnium: non hujus; sed jam actae, et futurarum ætatum: non tempore, non educatione, non arte confitum; sed ingenitum, ab ipsaque natura inditum conanter observamus? Quod cum inficiari nemo possit, non nobis mens, carissimi, non nobis mens; sed nos, nos, dicam aperte, menti deficimus. Præterquam quod qualia, quantaque superflua, ne dicam perniciosa, discuntur, quibus non implicata mens, major ad utilia esset? At quomodo cumque res se habeat, unum saltem ab omnibus concedi oportet, idque vobis diligentissimè menti mandari commendo, quod nempe *homo*, serio ad utilia paratus, major quidem est, quam qui possit difficultatibus obrui: quodque ad selectiora, et optima vires intendere oportet, si mediocria saltem attingere desideramus.

Quod vitæ tandem brevitatem spectat; heu! brevis, fugax, atque ut graviora, tristissimaque concedam, mera quidem umbra vita hominum

est; sed brevius nobis metipsis tempus efficimus.
 ¿Quantum enim nobis sœpe spectacula auferunt?
 ¿Quantum otia, ludi, fabulæque consumunt?
 Quantum operosus, vanus utcumque, atque
 etiam ad furorem usque protractus, salutandi
 labor? ¿Quam quantum denique, ut gravissima, in-
 gratissimaque alia prætermittam, nimia, prolixa,
 et certè insana corporis cura? Numeramus an-
 nos, quos pendimus, eosque computamus, tan-
 quam ex integro consecratos studio, unde id ne-
 cessario sequitur, ut, ad nonnulla, nec admodum
 difficilia addiscenda, non unam; sed plures vitas
 desideremus. Sed pro vestra omnium candidissi-
 ma probitate, et fide, quantum adhuc temporis
 literis consecrare possemus, aut etiam consecrâsse
 credimus, quod revera non consecravimus! Præ-
 terquam quod celeberrimi illi Viri, quorum præ-
 clarissima nomina ad nos usque pervenerunt, an
 non de acerva mortalitatis fæce gustârunt, aut
 insolita sécla fortè vixerunt?

Sed adhuc unus, et quidem non infrequens,
 error superest profligandus. Ex sexaginta, aut
 octoginta annis, quos vivimus, decem, aut
 quindecim de more consecramus studiis, quibus
 peractis, aut in æternum literis valedicimus,
 aut saltem, acto contenti, valedicere posse pu-
 tamus, sic ut, studiorum curriculo quovis modo

peracto, aut alienum prorsus, aut grave, aut etiam indecorum, atque probrosum, novò studere putemus. Sed mihi credite, juvenes: unum adulto, sicut ei adolescenti pudendum, unum probrosum esse potest, nempe, non studuisse; at studere nunquam. Honestius quidem homini est serò studere, quæ nescit; quam in perpetuum nescire, ne serò, et aliquando tandem studeat. Nec tanta hæc ætatis excusatio est, tanti que habenda, ut vos, si adulti, à consilio, si adolescentes, ab incepto deterreat. Senex jam Cicero, et cum jam præclarissimum nomen tum in populo, tum in senatu, tum celeberrimos inter Patronos obtinuisse, in Rhodiam insulam se contulit, ut novò et Philosophiæ, et Eloquentiæ, quibus tantoperè præcellebat, operam daret. Celeberrimus M. Cato, cuius immortale nomen, et famam utinam, ut colere, sic æmulari possemus, jam senex, nec inscius homo, literas didicit græcas. Lucullus tandem, studentissimus ille Lucullus, tot encomiis à Cicerone, tot laudibus cumulatus, adultus, proiectior admodum, quæstoria dignitate auctus, et quod majus revera est, in tentoriis, inter phalanges, ac in strepitu armorum (seriò enim cupienti, neque ætas, neque arma, neque dignitas obstat) in strepitu armorum, inquam, avidus, et Philosophiam, et omne lite-

rarum genus, ceu togæ, colebat. Si, ergo, nihil admodum in rerum naturâ prohibet, neque prohibere valet, quominus vires, et animum, non quidem ad omnia; at saltem ad plura prudenter intendamus, id semper nobis pergratum, id moris esse curemus, ut quæ facienda, et quo tempore, methodo, consilioque facienda sunt, fiant; et quæ non fecimus, serò etiam, et quoquo modo possint, aliquando faciamus.

Quæ cum ita sint, clarissimi Viri, si congrua, si utilissima omnino sit prudens hujusmodi in literis excolendis mentis intensio: si plurimarum artium consortium, prout expositum est, per se ipsum commendatur: si id ipsius rei natura exposcit: si decus postulat: si seclî prudentia exigit: si denique tot celeberrimorum virorum exemplis, totque præclarissimis monitis, et universa, quâm latè patet, antiquitas, tum et recentior ætas, id ipsum inculcat, monet, atque persuadet: et quod sanctius, quod carum, quod verendum nobis omnibus esse debet, si Patria, si Religio pro communi cùjuscumque salute, et commodo id ipsum sperent, imperent, atque optent cùjus, nisi nostrum est, ornatissimi Viri, amplissimique Doctores, cùjus nisi nostrum id ab initio, quâ facundia, et efficacia simus, intrudere, studiorum curriculo perdurante repetere,

finitoque viribus, et corde extollere, hortari, et commendare? Cuja, nisi nostra magistrorum interest, id semel, et iterum, sæpè, et sepiùs carissimos ex corde Alumnos commonere? Videamus, mi carissimi Collaureati, quale, quodque humeris incumbat onus. Subeat unicuique nostrum quantum ex nobis sperat Patria, amicorumque opinio. Animadvertisamus oportet, quantum boni diligentibus peragere; quantum mali negligentes, aut irreparabile prorsus, aut serò quidem reparandum, irrogare possimus. Suam nobis Patria juventutem commendat: suum carum ex nobis fulcimentum accipiat. Sic Magistrorum gravissimum munus: sic Doctorum, atque sapientum nomen expostulat: sic anxia, et sollicita parentum cura: sic nostra cuique carissima Patria, sic sancta Religio. Invigilemus, igitur, diù, ac noctu: demus solliciti tanto muneri operam, laboremus. Sint nobis hæc omnia religioni, et curæ: id tandem agamus, ut nos, si non tanto honore, et munere, si non opinionis laude: si non hujus nostræ præclarissimæ, semperque dilectissimæ Matris præstantissimo gremio dignos, saltem non indignos præbeamus.

Et tu, prædilecta Juventus, cujus apud nos tam cara est instructio, atque illustratio: tu, cui sic placida, atque jucunda, hæc, tandiù expec-

tata, arridet nova dies, et cujus saluti, et commodo tot præstantissimi Viri seriò inservire parantur, id age, ut prudentissimis eorum monitis, insigne erga te Augustiss. Imperantis sollicitudini, et curæ, libentèr, grata, docilisque obsecundes. Tua profectò utilitas, et gloria est, tua æmulatio; nostrum autem immane, arduum; sed libentissimum nihilominus onus, et labor. Quâpropter macté animo esto, juvenes: mactè animo. Tantorum celeberrimorum hominum, ut vos in hac honoris, et gloriæ via præcesserunt, vestigia premit: tendite quod cœpistis, et prompti, strenui, assidui in hæc jucundissima studia, in quibus estis, incumbite, ut, et vobis honori, et amicis utilitati, et Patriæ commodo, et huic nostræ communi Matri ornamento, atque decori, et Religiōni tandem robori, et fulcimento esse possitis. *Dixi.*

12.000

